



أَذْكُرُّوكُمْ وَأَنْتُمْ كُرُوا لِي وَلَا تَكْفُرُونِ ﴿٢١٥﴾

«Ana yaadadhaa; Anis isiniin yaadadhaa.  
Galatas Naaf galchaa, Nattis hin kafarinaa  
So remember Me; I will remember you. And be grateful to Me  
and do not deny Me.» Al-Qur'aan 2:152

## Zikrii-Furtuu Tasgabbii-kutaa-2ffaa

### Description

Torbaan darbee faayda fi sadarkaalee zirkii ilaalle turre. Yaadachisaf, zikriin bu'aa fi faaydan isaa lakkawamee hin dhumu. Namuuma itti fayyadametu mi'aa isaa dhandhama. Namoonni zikrii baay'isan, nageenyi fi tasgabbiin qalbii isaanii uwwisa. Namoonni yommuu gaddanii fi nuffan, warroonni zikrii godhan gammachuun jiraatu. Bakka deeman hundatti zikriin afaanii hin bu'u. Yommuu isaan zikrii dhiisan qalbiin isaanii akka qurxummii bishaanii baate taati, tasgabbii dhabu, ni jeeqamu. Rakkoo fi dhiphinna kana hunda jalaa bahuuf dafanii gara zikrii dheessu. Dhugumatti gamnoonni namoota kanniini!

Mee har'a zikriiwwan garagaraa jireenya guyyoo keenya keessatti itti fayyadamnu hiika isaanii waliin haa ilaallu. Zirkii salaata keessatti jennu duraan ilaalle turre. Kanaafu, lamuu irra hin deebinu. Amma zikrii gosa lamaanii keessaa filannee ni ilaalla. Zikrii Rabbiin faarsu fi zikrii du'aayiti.

### 1.Du'aayii Yeroo mana Fincaanii seenanii

– ((([?????? ???????] ?????????? ??????? ??????? ????? ??????????? ?????????????????)))

Bismillaahi Allaahumma innii a'uuzu bika minal khubsi wal khabaa'is  
**Maqaa Rabbiitiin; yaa Rabbi ani jaarsa jinnii fi jaartii jinnii irraa sittin maganfadha.**

Namni du'aayi kana kan jedhu erga mana fincaanii seenee booda jechuu hin qabu. Sababni isaas, mana fincaanii keessatti maqaa Rabbii dhayuun dhoowwadha. Filaanno inni qabu, takkaa osoo mana fincaanii hin gahin du'aayi kana jechu takkaa immoo osoo arrabaan hin jedhin of keessatti jechuudha.

**Du'aayii Yeroo Mana Fincaaniti bahanii**  
(((????????????)))

**Gufraanaka=** Araarama keen [barbaada]

### 2.Zikrii wudu'aan dura godhamu





Bismillah, wassalaatu wassalaamu alaa rasuulillahi. **Allaahumma-ftablii abwaaba rahmatika.**  
 “Maqaa Rabbiitiin; rahmataa fi nageenyi Ergamaa Rabbii irra haa jiraatu. **Yaa Rabbi hulaa rahmata keetii naaf bani.**” [Sunan Ibn Majah 773](#)

**9.Du’aayi yeroo Masjiidaa Bahanii**

((?????? ??????? ????????????? ????????????? ????? ????????? ?????????? ????????? ????????????? ????????????? ????????????? ????????????? ????????????? ?????????????))

Bismillah, wassalaatu wassalaamu alaa rasuulillahi. **Allaahumma innii as’aluka** min **fadlika**,  
 allaahumma’asimnii mina sheyxaani rajiim.  
 “Maqaa Rabbiitiin; rahmataafi nageenyi ergamaa Rabbii irra haa jiraatu. **Yaa Rabbi** ani **tola kee** irraan **Si kadha**. Yaa Rabbi shayxaana abaarramaa irraa na tiksii.” [Sunan Ibn Majah 773](#), [sunan an-Nasaa’I-729](#)

**Hiika jechoota Muraasa: as’aluka-si kadha, allaahumma’asimni-yaa Rabbii na tiiksi, mina-irraa, rajiim-abaarrama**

**10.Zikrii Yeroo Azaanaa Godhamu**

Yeroo mu’azinni (namni azaana godhu) azaana baasu, wanta inni jedhu hunda waliin jedhan hanga inni Hayya ala Salaah (Gara salaataa Koottaa), hayya alal falaah (gara baraaramaa (milkaa’innaa)) koottaa” jedhu gahutti. Yommuu inni bakka kana gahuu, akkana jedhan:  
 ((??? ?????? ?????? ??????? ?????????????)).

**Laa hawla walaa quwwata illaa billah**  
 “Dandeettii fi humni hin jiru Rabbiin bira malee.”

**Yeroo mu’azinni azaana xumuru akkana jedhan:**  
 ((???????? ?????????? ??? ???? ?????? ??????? ?????????? ??? ??????? ??? ????????? ????????????? ????????????? ????????????? ????????????? ????????????? ????????????? ?????????????))

Wa ana Ash-hadu an laa ilaha ill-Allah wahdahu laa shariika lah wa anna Muhammadan ‘abduhu wa rasuuluhu. **Radiitu** billaahi rabban, wa biMuhammadin **rasuulan**, wa bilislaami **diinan**.

“Anis, dhugaan gabbaramaan Rabbiin malee akka hin jirree, Inni tokkicha hiriyyaa Kan hin qabnee ta’uu fi Muhammadis gabrichaa fi Ergamaa Isaa ta’uu ragaan baha. Allaahn Gooftaa keenya ta’uu, Muhammad **Ergamaa ta’uu** fi Islaamni **amantii kiyya ta’uu jaalladheera.**” [Sahih Muslim 386](#), Sunan Ibn Majah 721  
 Ergasii Nabiiyyi irratti salawaata buusun du’aayi armaan gadii jedha:

((?????????? ????? ?????? ?????????????? ?????????????? ?????????????? ?????????????? ?????  
 ?????????????? ?????????????? ?????????????????????? ?????????????????? ?????????????? ??????????  
 ?????????????? [????????? ??? ?????????? ??????????????]))

Allaahumma Rabba haazihi-dda'awati taammah, wassalaatil qaa'imah, Aati Muhammadan wasiilata walfadiilah, wab'as'hu maqaaman mahmuudan-il-lazii wa'adtahu innaka laa tukhliful mii'aad

“Yaa Rabbii! Gooftaa waamicha guutuu kanaa fi salaata dhaabbamuuf hedu taate! Muhammadiif wasiilaa fi kabajaa kenni. Sadarkaa kabajamaa kan isaaf waadaa seente irrattis isa olkaasi. [Ati dhugumatti waadaa hin faallessitu]” [Sahih al-Bukhari 614](#)

Hiika jechootaa: **haazihi-tanaa (kanaa)**, **da'awat-waamicha**, taammah-guutuu, wa-fi, **salaatil-qaa'imah- salaata dhaabbamuf hedu**, aati-kenni, **fadiilah-kabajaa**, wab'as'hu-isa ol kaasi, **maqaaman-sadarkaa**, mahmuuda-kabajamaa,faarfamaa, **allazii-kan**, wa'adtahu-isaaf waadaa seente, **innaka-ati dhugumatti**, laa-hin, tukhlifu-faallessitu, **mii'aad-waadaa**

San booda mataa ofitiif azaana fi iqaama jiddutti du'aayi godha.

Barruu armaan olii buusuf linkii armaan gadii tuqaa. Linkii Download PDF kan jedhu yoo tuqxaan Arabiffa saanduqa godha. Dabalataniis dubbisuuf namatti tola <http://sammubani.com/wp-content/uploads/2017/12/Buusi-Zikrii-Furtuu-Tasgabbii-updated.pdf>

Kitaaba wabii

[Hisnul\\_muslim](#) Hiikan gara Afaan Oromoo: Gaalii Abbaaboor Abbaaguumaa (Fuula 14-...)

**Date Created**

December 2017

**Author**

admin